

Y yectli in mayhui acnelquiciehuiz y chimal yn petlatl y ya ytlacoch iepaly ye huan Dios ohuaya &.

Ye xicyo coyacan xiquel namiquican antepilhuan huia acquimoyahuaz atl o yantepetla intenochtitlani aquiquitopehuaz ynitlaxillo ynilh^u a ohuaya.

Yn maoc huelomaniya atloyantepetl a in tenochtitlan y maoc çanihuian techmotlatili nipalnemohuani ohua y ya y ye ohuaye ninentlamatia maquintohnica inqueni tlamamaniza ohuaya.

Niya noquetzacoya xochi it huallaitic aya hue amoxtlincueponi yenhuehueuh huiya cuicatl notlatol aya xochitl in notlayocol innocoyachihua y nocoyachianica ye huan Dies aya auh no huian chialo tlpç. yenican ohuaya ohuaya.

Çan nocon yatemolia ohuaye a ynitlatolhuiya cuix yellely cuixno ytlayocol innocon itlanilian teteuctin antepilhuan y anquauhta mocelo can ninentla matia nimoteuçoma y ohuaya &.

Çantiya ye coc yenican toncuica amoxtlacuilohtihuitz huiya ycelteotl ye huan dios xochit hualli manica ohuaya.

Timoxiuh quecholtzetzelo ypalnemoa a ohualacico in çaquan papalotl calitic ayahue xochi e cacehuaztica con ehcapehua in moteuçomatzin çan cayenican xochinpetlapan o ohuaya ohuaya.

Çantlapaxilotl on cuepontihuitz huiya ic omalintihuitz inquetzalizquixochitl çan nic hualaxitia xochi it hualli manican ohuaya.

Nepapan tlacuilotl noyollo ye hua nocuic ay ye ehuaça çan noconahuiltico niccemeltian ypalnemoani çan canyenican xochinpetlapan o ohuaya &.

Yo ayan ohuaye xiuhtotocal yheuili huica toncuica ye hua ti moteuçomatzin chimalian maquiztonaticac y xictzotzona mocoehuehueuh ohuaya &.

Xiuhycuiluhtimani quauhpetlatl onoc y xochit hualli manica tocon cenquixtian ypalnemoani nepapan xochitica yehuan, tztzeliuhtimani ya ohuaya.

Tonacaxochin quahuitla onicaca ya a oncan ye mochahua on a huach tztzeliuhticac aya cuicaticac ya ocelziticac onquetzal miyahuayoticac aya Mex^{co}. nican aya ohuaya &.

Çanyeitech onnemia teocuitla coyoliantototl oncuicaya tlatohua. Moteuçoma y onquetzalmiahuayoticac aya &.

Yxochi ayahuitl onquiztoc yanyeoncano aoncan ya icac y xochinquahuitl aya aoncan ya nemianquetzalian tototl moçouhtinemia intlacaço ye huatl in moteuçomatzin xochi ahuaactican yanaya moyectitinenemia a ohuaya ohuaya.

Çan yeoncano ohuaye yxochinquiapan ye huan Dios huiya ytlacuiloalitec oncan ya icac y xochitl a olinticateca ohuaya ohuaya.

Moteuçomatzin neçahualcoyotzin totoquihuatzi, anqui malinaco, anquilacatzoa y intepillotla ohuaya ohuaya.

Maoc cuelachic xocontla nehuican amauh amotepeuh ypan amonoque ainte-teuctina ohuaya &.

Quauhuimania Ocelomania manianhuin cacalihua huin ynatloyan tepetl y in Mexico yaohuaya &.

Yhea huaca yohui yyo ohuili yectli yaçhaye nepapan xochitl çanquitzetzelo aya huel ahueyaquin amani ohuaya &^a.

Quauhtli oncan tlatati ocelotl yetlatoa y eoncan in Mex^{co} y yeoncan tontlatoa ye huatimoteuçoma ohuaya &.

Cayeoncan yeon netotilo yeoncan yeonmomamalina inquauhyotl yeon mi ximati oceloyotl a ohuaya &.

Quauhui xochimecatica o ye a antoc y inatlon yantepetl oceloxochitla in on momalintoque in tepilhuan y Moteuçomatzin oa in can hualtzin y y ya y yao ahuaço ayehua ohuaya.

A yn totoquihuatzin ye hua yo yontzin ytomihycayan tochimal yca y cama ni titloyantepetl y hiya y ya ho &^a.

Mamoquetza huehuatl antepilhuan y yece yenican xonahahuiacan ynipan y palnemohua y yo huiya.

Choquitztl moteca y xayotl pipixauhtimani huehuetitlan yenican ynixpan ypalnemoa y yo huiya.

Moquauhtetzelo mo oçelohuihuixohua in tepiltzin in Moteuçomatzi tequimiloaya xiyaontla matican yxtla huac ytec ay yohuiya.

Yn nepapan quauhtli in nepapan ocelotl huiya nepapan tepilhuan quimellaquahua in moteuçomatzin tequimiloaya &.

Teyolmelauh niticaxochitl ayn yhuixochitl in teyollonquimat ay ye ehua ya ainquauhochitl ayea yehui yehua chichimecao intepilhuan a &.

Ynmotlatocaçomatzin ynchahua cueye in cueyatzi yehua ihuitzi hui huia ayanelli anquittaque o ay xaltemoetzin ayanelin amech yxima tenetlon quibnatzin y tzihuac popocatzin ohuaya &.

Çanachicantlatzihuiz oncueltahuian chimalli xochitly ancomotlanehua antepilhuan y yao ay yaha ohuaya ohuaya.

Oayac contla mittaz ica toyazque inqueno namican onetlalehuilon tlpç. yenican ancomotlanehua antepilhuan y yao &.

Ohuaye o ay yee xichoca o on Chimalpopocatzin Tacolmitzin o o ti tiçahuatzin y xiquetzan tohuehueuh matelelquiça maiuhtiantotlaocol y yyo ohuiyaa o amaha iyaha ohuaya ohuaya.

Ycatlian cuicanitl o on macuel contzotzonanto huehueuh matelelquiça maiuhtia intotlayolol y yyo ho huiaha &.

Chimal ehcamalacotl momalacachoa inteuhtlinpopoca ymapipiztlay cahuaça in tenochtitlan in Mex^{co}. yenican ohuaya &.

Çan chimal cala y manca tlaochinolcalico quauhpetlatl onoc in ocelopetlatl ymancan y oncan quimamali yaoyotl quipitzantlachinol a yxochiuh aya chimalpopocatzin tel ahneli oon tel ahneli o aye cehuiz y aye polihuz y ya ohuia.

Ycaxichoca in chichimecatl y cantlaixtoctzin huiya ay huiaan yeetli yxochiuh Dios ypalnemohua yeatiquincocohua, cocoyay yollo intepilhuan y quennel conchihuazque ohuaya ett^a.

Y yaoxochitl oncuepontimani chimal izquioxochitl ayanomac inmania no quipaquioxochiuh oceloxochitl y quauhxiloxochitl çan yequicocohuaquennel conchihuazque ohuaya.

Huintitotolinia maiuhquitimiquican maomochiuh huiya in mantechonihocan in tocnihuan yn mantech ona huaca quauhtin ya ocelotini a ohuaya &.

Quenhuelxoconchihuaconquenhuelxocuili yxochiuh aya ypalnemoani onen-euihuaya a euihuaya ohuican mahuizecan mahuiz ixtlahuacan a ohuaya &^a.

Çannompehua yenicano in nicuicanitl huiya noyollo ytech in cueponi xochitl y yeetlon cuicatl y ycayan nocon ehcapehuan ypalnemoa ohuaya &.

Y yenonnitotia nicanaan o innicuicanitl huiya noyollo ytech incueponi-xochitl &^a.

Onquahui cecelia ohuaye ocelo itzmolini intepillotl in tlatocayotl a in Mex^{co}. y Mitica chimaltica ye huaya ontlatoa teuctli in ahuitzotl a ohuaya &^a.

Intlacaayacuihua moxochiuh o ypalnemoani teuhtlinpopocay ixtlahuatl ytec y oncantiquineozcatio intlachinolxochitl ictiquimapan çanchimallixochitl y ynacolihuacan neçahualpillo in totoquihuatzi mitica &^a.

Yenicotlamatia nichocayehuaya quemachamioo yeicmozmamantiuh in chimalli xochitli yetlecahuiloya huixahue can nie ittaz quinequinoyol a ohuaya &^a.

Oatleuhquiyaomiquiztli atleuhquioxochimiquiztli quitlaçotlac o ypalnemo-huani huixahuee &^a.

Yncano y huitzaya yeetlon cuicatl y noconyatemoa hui huee ninotolinia ma nenmocuica ohuaya ohuaya.

Can nie ittaz o in moxochiuh aya ypalnemoa hui huee ninotolinia &^a.

Canitinemi ya ton elelquixtilon ipalnemoani a oncan tichielo imoxiuhquechol iepal ypan yxochiticay tonacemeltilo oxochicuihuhtoc çancanyemocuic in ni mitz e ehulia nicuicanitl huehuetitlan ohuaya ohuaya.

Çan niman yenican y yeton a ahuiltlon ipalnemoani o xochicuihuhtoc çan can yemocuic &^a.

Dios aya in mopalnemoani canin yatinenilla ilhc. intinemi tlpetlin tocon yanapalao yehua Anahuatl in momac on mani ohuaya &^a.

Nohuian tichialo emey intontatzililoya inton ihtlanililo, canton temolilo in momahuico motleyo a ilhuicac intinemi Anahuatl in momac onma ni ya &^a.

Achanca chalehuhuitl maquiztli ya mahuiztli yao intlaçotli intlaçotli moyollo

tota Dios ypalnemoani quexquitza in niquttoa o in motloc in monahuac y nito-toquihuatzin canticiahuitiuh çantitlatzihuitiuh? ohuaya &.

Ynçan ayohui inçan cuelachica y tontlatzihuz yehua tota Dios ett^a.

Quihuintia ye noyol xochihuino y yenotech onquiça a intlpe. y ic niहुinti yaoxochitl y yo huiya ett^a.

Mochin conittitia in yenoyotl y inicanemohua tlp. oyenican ontlamati ye hua inilhuicatl ytic y ic niहुinti yaoxochitl y yo huiya.

Xochinquiahuae y xochithuallimanica oncan ontzatzitlaya papahuiya o aneicanitl a huay ya ohuaye y yao aye ohuaye ahua yyao huiya.

Oye coque hue ohualacie in nepapa tototl xoxohuic intototl coçahuic intototl teocuitlaxochitotl nimanyetlahuquechol ye huel oncuico yeichan y ye huan Dios y yao &.

Maquiztlintlamatelolli ya çanquetzalchalchihuitl çancateocuitlatl y huilin tlapitzalli çancayehua o ini pan nie matia yeetli yemocuitl yeetli yamoxochiuh oye-huan Dios y yao aye &^a.

Chalchiuhitlo lolihuico inquetzallinpatlahuae y huitolihuic çancateocuitlatl y huel intlapitzalli &^a.

Cuica ilhuiccolli xochintlacuilolli quitotontihuitz quiçoçouhtihuitz yehua in S^{ta} Maria in mochipaichpochtli tlaocxiyacaquican ay lili ohuayao &^a.

Papalocalitic y yeamoxcalitic ychan Dios y tlauhealitic y oncan oncuica y hecoa ye huan S^{ta}. Maria &^a.

Tlahui momozpan ohuaye oncan ya iheac yxochiuh y yehuan Dios huiya çanqui-xochintzetzelo a yeuic ma ahuii ye hehuaya ay ya ay ya ha oo ay li ayancohuili yacohuia ohuaya ohuaya.

Xochi huilacapitzolotoc y a ychan Dios hi oncan onchialo S^{ta}. Maria o ahuiltlotoc quihquiz copan cuicotoc y a on netlamachtilo ya ayia ay ya ha oo &^a.

Xochitzapocalco Amalacoxochi o timania yexochitzapo icpalli ipan aya tiya onca totatzin ye huan Dios ayaycelteotl a ohuaya &.

Titlapal izquioxochitl ayati cuepontiac in Mex^{co}. nican huiya motechtlachichina inquetzalian papalotl ay tlp. y motechtlachichina inquauhtlian tototlo inpatlantينيا ohuaya ohuaya.

Teocuitlatonaticac y motzintzcan tzapocal inchalchiuh amalacoyoticac mochan yehuan tlaçopilli Jesu x^o. Anahuac intontlatoa ye hua ohuay &^a.

Xochitl çayahuaticac ohuaya coyolla iheahuacaticac in yemo hue hueh huiya tlaçopilli Jesu chro. ett^a.

Titlapal y huixochitl aya cuitepontiac y Mex^{co}. nica huiya tonahuiaxtimani cemanahuac, y tepan motecaya ohuaya &.

Chalchiuhtlin chayahuac yexochitl ya tlacati yemocuic çantoconya ehuaya Mex^{co}. nica moxochiuh tonatimana &.

Oyohualla ihcahuaca ixtlahuatl itie y oncanyecahualoc Tlachahuepantzin coçahuic xochitica on ahuiaxtia quenonamican o ohuaya ohuaya.

Çan yeton motlatia in chicomoztoc mizquitl yeaca quauhtlintzatzi a ocelotlehocac y titlahquecholin yeton patlantinemia ixtlahuatl ytic inquenonamican ohuaya ohuaya.

Xochi it hualco ninemi xochi it hualco niquehua nocuic nicuicanitl huiya tantili yao y yao oyyae ay yohuiya.

Çan iyahualalico ixpan in Dios ye huan totatzin huiya noquetzal ehacehuaz no huan calcozqui çan noxiuhquechelpoyo maxochiuh y çan nicya tzetzeloa can nic ehua cuicatl y yatantili &^a.

Ohualacic in tocuic ohualacic toxochiuh ohuaye in nicuicanitl huiya a ilh^u. iticpayehuitz çan nictemohui in tocuic nictemohui toxochiuh ay lili ohuiya.

Cacahuaxochitl y quetzalizquixochimecatia ninahpantihuitz aya ynicuicanitl huiya a il huicatl yticpa yehuitz &.

Çan teocaitla xochincozcapetlatl o ipan ti yaonca huiya timopiltzin o can titlaccateuetli çantimoquihuitzin tilili o hama ay yo huiya &.

Çan tocontimaloa yxiuhquechol yepal y tlahquechol petl ye huan Dios y tilili &.

Çan quetzallin patlahuac y yehuitolihuic ipanye momatia yeetli mocuic huiya in cuicanitl nahahua nic itta xochitl o nic ehua nocuic maicaxonahuiacan antepilhuan ay yohuiya &.

Oa ichan itquihuani xochitl o aychan temohuilon cuicatl at a iuhquimatia an moyol antepilhuan ay yohuiya.

Çan mochicyocoya yehuaya ninenentlamaticon tlapc. y nimoquihuitzi nic e el namiquin ahuiltotl inpapaquizyotl aya cuixtictlamitazque ye hua ohuaya.

Çan nohuian non ne nemi yehuaya nohuian nontlatoa ye huaya xochitl y cuepoya cuicatl y yahualihcan aya inoncan nemia noyollo ahua ya ohuaye cuixtictlamitazque.

Chalchim mala cayotimanin Atloyan tepetl huiya çan quetzaltonameyo timani Mex^{co}. nican huiya itlan neyacalhuilotoc inteteuctin y xochi ayahuitl intepan motecaya ohuaya &^a.

Oancayemochan a ipalnemoani oancayenican yn tontlatohua yehuan totatzin aya ycelteotl y anahuac in hualcaco mocuic intepa: moteca ya &^a.

Yztac huexotlaya yztac tolin y yeimanica Mex^{co}. nica huiya timatlalaztatotl tipatlantihuitz tehuan titeotl spu s^{to}. ohuaya &.

Oancayetehuatl aya ypanticçohuaya ypanticyectica in yemo cuitlapil y yematlapal aya y momacehual y emc. in cantontlatoa yehua Mexico nica huiya ohuaya.

Macacanoya huia nenemi yehua an motlaocol aya Moteuçcomatzin in totoquihuatzi acnelquitlacohtiz ynipalnemoa caquitzitzquico inilhuicatl aya in tlapc. ohuaya &.

Oancatlachi nolmilini intlatol yecoya ihtoa y nauh campa y yaoqui tlahuiz callotia inatloyantepetl y tenochtitlan y Moteuçcomatzin Neçahualpillin acolihua-can a ohuaya ohuaya.

Çan quetzal ehca cehuaztica oneya calhuilotoc yelcicihuin tlaocoyan o huaye que on maniço ynatl oyan tepetl in tenochtitlan y quenquitoan dios a y yece yenican ohuaya &.

Tleçannen nompehua noncuica ixpan in totatzin yehuan Dios ypalnemoa huiya çan ninotolinia o ayeo aye ohuaye.

Macuinca nahuiz y huelin mitzahuiltiz ypalnemoa xiutlamatiloltican quipitza quimamalincuatl auh inehua ninotolinia o ayeo &.

Tlanimitzonahuilti tlaçannen ninentlamati a çannicuicanitl huia ieno pillotica nelcicahui mixpan y çan icnoxochitl y çan icnocuicatl y nimitz onehuilian tlacatl inicelteotl ypalnemoa ohuaya ohuaya.

Canintinemian tonelelquixtilon ipalnemoani nohuian tichialo cemanahua yn çan ic noxochitl ynçan icnocuicatl &.

Yan noncuicayan y on manic y xochitl on manic y cuicatl a hua y ya y ya ay io huiya &^a.

Nic chalchiuh mamali teocuitlatl nicpitza yenucic chalchihuitl nicçalao ye nocuic o ay io aya ay io huiya.

Dios aya ninotolinia nimitzon ahuiltia nic ihtoa ye ehuaya nitotoquihuatzi macuin can huitz huelin mitzahuiltiz ma cuin can huitz huelin quitomaz mocuic ohuaya ohuaya.

Quemachamitlacatl yexiuhite yequihchiquineuicatl quetzalte huehuelin qui cuecue yahua in totoquihuatzi macui cahuitz macui cahuitz &.

Tzinitzcan quechol xiuhtotl y pantimomatia y palnemoa moyol ahua iye ehuaya coyachichinaya tlaçuilolxochitl ihcuilihuic cuicatl a &.

Çan moquetzal ahtlapal o çantimoççoa tzinitzcan y huitica timilacatzoa intayopalquechol xontlachichina nican aya y yexochitl intlalpanaci yenica ohuaya ohuaya.

Macan ni mitznotza totatzin o ypalnemoani in ninentlamatiaya maçan titocniuh a matocontol huica: y yeetli motlatol matocon ytoca yeani tlaocoya ye ehuaya nocon ya temoa moxochi a ahuiltiz o in mocuicapaquiz y yemonecuiltonol huiya o ay iahue yao ay ia ha ohuaya ohuaya.

Çanquittoa y yeccan ilhuicatl ytec y nemoa pacoa o onicac in huehuetl manian